

Srijeda, 5. 4. 2023.

Prijave sa svim traženim dokumentima dostaviti isključivo poštom na adresu:

OPĆINA PROZOR-RAMA

Ulica Kralja Tomislava bb, 88440 Prozor-Rama

S naznakom: "Prijava na natječaj za izbor i imenovanje članova upravnog vijeća iz reda osnivača - ne otvarati"

Neblagovremene i nepotpune prijave neće se uzimati u razmatranje.

(SI-518/23-F)

OPĆINA TRAVNIK

Na osnovu člana 8. Zakona o ministarskim, vladinim i drugim imenovanjima ("Službene novine Federacije BiH", broj 12/03) i člana 6. Pravilnika o standardima i kriterijima za imenovanje članova Upravnih i Nadzornih odbora u privrednim društvima, preduzećima i ustanovama prema kojima ovlaštenja i obaveze po osnovu državnog kapitala imaju organi Općine Travnik ("Službene novine Općine Travnik", broj 5/14) u postupku imenovanja na pozicije u reguliranim organima iz nadležnosti Općine Travnik, načelnik Općine Travnik objavljuje

JAVNI OGLAS

**ZA IZBOR I IMENOVANJE NA POZICIJE ČLANOVA
UPRAVNIH I NADZORNIH ODBORA JAVNIH
USTANOVA ČIJI JE OSNIVAČ OPĆINA TRAVNIK**

I. Objavljuje se javni oglas za izbor i imenovanje članova Upravnih odbora javnih ustanova čiji je osnivač Općina Travnik i to:

II. Upravni odbor:

- JU "Dom zdravlja" Travnik, ukupno 2 pozicije
 - član upravnog odbora - ispred osnivača - 1 pozicija
 - član upravnog odbora - ispred ustanove - 1 pozicija

III. Nadzorni odbor:

- JU "Centar za socijalni rad" Travnik, ukupno 3 pozicije
 - član upravnog odbora - ispred osnivača - 2 pozicije
 - član upravnog odbora - ispred ustanove - 1 pozicija

IV. Opis pozicije

Predsjednik Upravnog odbora rukovodi sjednicama Upravnog odbora, stara se o pripremi materijala za sjednice Upravnog odbora i izvršenju akata Upravnog odbora i obaveza prema Općini Travnik, obavlja i druge poslove utvrđene Statutom i drugim aktima reguliranog organa.

Predsjednik i članovi Upravnog odbora reguliranog organa, nadziru rad i poslovanje direktora ustanove, a naročito u segmentu upravljanja i raspolaganja kapitalom i imovinom ustanove; utvrđuju politiku razvoja, razmatraju i usvajaju izvještaje o poslovanju, predlažu raspodjelu i način upotrebe dobiti, odnosno način pokrića gubitka u poslovanju, donose opća akta, rješavaju u drugom stepenu po žalbi na odluke direktora, te obavljaju druge poslove u skladu sa Zakonom i Statutom ustanova.

Nadležnosti predsjednika i članova Nadzornog odbora utvrđeni su Zakonom o javnim preduzećima i Zakonom o privrednim društvima i statutima javnih preduzeća, odnosno privrednih društava.

Predsjednik i članovi Upravnog odbora i Nadzornog odbora imenuju se na period od 4 (četiri) godine uz mogućnost ponovnog imenovanja u skladu sa Zakonom.

Imenovana lica imaju pravo na naknadu u skladu sa Zakonom i uslovima utvrđenim općim aktima ustanova i ista će se isplaćivati iz sredstava ustanova u koje budu imenovani.

V. Kandidati za imenovanje na pozicije u Upravnim odborima moraju ispunjavati:

- opće i
- posebne uslove

a) Opći uslovi za imenovanje:

- da su državljani BiH,
- da su stariji od 18 godina,
- da nisu otpušteni iz državne službe kao rezultat disciplinske mjere na bilo kojem nivou u BiH u periodu od tri (3) godine prije dana objavljivanja upražnjene pozicije,
- da se na njih ne odnosi članak IX. 1. Ustava Bosne i Hercegovine,
- da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima ("Službene novine Federacije BiH", broj 12/03, 34/03 i 65/13),
- da nisu na poziciji u zakonodavnoj, izvršnoj ili sudskoj vlasti u smislu zakona o sukobu interesa,
- da im nije pravosnažnom presudom nadležnog suda izrečena zabrana obavljanja aktivnosti koje su u nadležnosti preduzeća odnosno ustanove za koju se kandidiraju,
- da nisu stariji od 70 (sedamdeset) godina na dan imenovanja,
- da nisu član više od jednog Upravnog ili Nadzornog odbora, odnosno odbora za reviziju,

b) Posebni uslovi za imenovanje:

- kandidat za predsjednika Upravnog odbora mora da ima najmanje visoku stručnu spremu (VSS - VII stupanj) ili visoko obrazovanje prvog ciklusa (nakmanje 240 ECTS), drugog ili trećeg ciklusa Bolonjskog sistema studiranja,
- kandidati za predsjednika Nadzornog odbora moraju da imaju najmanje visoku stručnu spremu (VSS - VII stepen) ili visoko obrazovanje prvog ciklusa (najmanje 240 ECTS, drugog ili trećeg ciklusa Bolonjskog sistema studiranja),
- kandidati za člana Upravnog odbora javnih ustanova moraju da imaju najmanje višu stručnu spremu (VSS - VI stepen), ili visoko obrazovanje prvog ciklusa (najmanje 180 ECTS), Bolonjskog sustava studiranja a u izuzetnim slučajevima kandidati za Upravni odbor ispred ustanove srednju stručnu spremu (SSS - IV stepen),
- Kandidati za člana Nsdzornog odbora javnih ustanova moraju da imaju najmanje visoku stručnu spremu (VSS - VII stepen) ili visoko obrazovanje prvog ciklusa (najmanje 240 ECTS, drugog ili trećeg ciklusa Bolonjskog sistema studiranja pravnog, ekonomskog ili drugog društvenog smjera, a u izuzetnim slučajevima kandidati za nadzorni odbor ispred ustanove srednju stručnu spremu (SSS - IV stepen),
- kandidati za predsjednika Upravnog odbora javnih ustanova moraju da imaju najmanje 3 (tri) godina radnog iskustva, a kandidati za članove Upravnih odbora javnih ustanova moraju da imaju najmanje 1 (jednu) godinu radnog iskustva,
- kandidati za predsjednika Nadzornog odbora moraju da imaju najmanje 3 godine radnog iskustva, a kandidati za člana nadzornog odbora javnih ustanova da imaju najmanje 1 godinu radnog iskustva,
- da je uspješan privrednik-menadžer ili javni radnik,
- da imaju sposobnost nepristrasnog donošenja odluka, komunikacijske i organizacione sposobnosti,
- da imaju pozitivne rezultate rada ostvarene tokom poslovne karijere,
- preporuke ranijih neposrednih rukovodilaca (po mogućnosti).

VI. Potrebni dokumenti

Uz prijavu na javni oglas kandidati su dužni priložiti sljedeću dokumentaciju (originali ili ovjerena kopija):

- kraću biografiju, adresu i kontakt telefon,
- uvjerenje o državljanstvu,
- izvod iz matične knjige rođenih,
- uvjerenje o nevođenju krivičnog postupka od nadležnog kantonalnog suda ne starije od 3 mjeseca.

- diplomu o školskoj spremi,
- uvjerenje o radnom iskustvu u struci,
- uvjerenje od poslodavca da nije otpušten iz službe kao rezultat disciplinske mjere u periodu od 2 godine prije objavljivanja oglasa.

Svi kandidati koji budu ispunjavali opće i posebne uslove, odnosno budu stavljeni na listu sa užit izborom bit će pozvani na intervju.

Prije intervjua komisija može tražiti od neposrednih ranijih rukovodilaca, preporuke o kandidatima.

Prilikom izbora uzet će se u obzir priznanja i rezultati koje je kandidat do sada stekao iz oblasti za koju se kandiduje.

U postupku konačnog izbora prednost imaju kandidati koji su u potpunosti ispunjavaju opće i posebne uslove i viši stepen spremne spreme srodnog zanimanja.

Nakon intervjua Komisija za izbor će predložiti rang listu sa najboljim kandidatima i dostaviti Općinskom vijeću Travnik na dalje razmatranje i konačno imenovanje.

Konačno imenovanje će se objaviti u "Službenim novinama Općine Travnik",

Bilo koji kandidat ili član javnosti, može podnijeti prigovor na konačno imenovanje, ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima u F BiH.

Prigovor na konačna imenovanja se podnosi Općinskom vijeću Travnik.

Javni oglas ostaje otvoren 15 dana od dana objavljivanja u "Službenim novinama Federacije BiH", Oglasnoj tabli općine Travnik i web stranici Općine Travnik.

Rok za podnošenje prijave računa se prema datumu objave oglasa u glasilu koje zadnje objavi oglas.

Prijave sa svim traženim dokumentima dostaviti lično ili poštom na adresu: Općina Travnik, Konatur bb, 72270 Travnik sa naznakom "prijava na javni oglas za izbor i imenovanje članova Upravnih odbora" - NE OTVARAJ.

U prijavi kandidati su dužni označiti na koju se poziciju kandiduju i za koju ustanovu.

Neblagovremene i nepotpune prijave neće se uzeti u razmatranje.

(SI-519/23-F)

UDRUŽENJA - FONDACIJE

Federalno ministarstvo pravde, rješavajući po zahtjevu udruženja "Centar za promociju civilnog društva", za upis promjena u Registar udruženja, donosi

RJEŠENJE

Upisuje se u Registar udruženja kod Federalnog ministarstva pravde Sarajevo, sa danom 13.12.2022. godine, promjena upisa za udruženje: "Centar za promociju civilnog društva", skraćeni naziv udruženja: "CPCD" sa sjedištem u Sarajevu, ulica Marka Marulića broj 2/3, upisano u Registar udruženja kod ovog ministarstva pod registarskim brojem 380. knjiga I Registra, dana 14.07.2000. godine, i to:

1. Promjena člana Upravnog odbora, u skladu sa Odlukom Skupštine, broj: 1148/2022 od 07.09.2022. godine, na mandatni period od četiri godine.

Udruženje je dužno ciljeve i djelatnosti predviđene Statutom, obavljati u skladu sa Zakonom o udruženjima i fondacijama i drugim zakonima i pozitivnopravnim propisima.

Ostali upisi u Registru izvršeni po Rješenju broj: 04-05-2-3813/00 od 14.07.2000., 23.03.2006., 19.05.2010., 01.12.2011., 06.01.2015., 06.01.2016., 30.01.2018., 23.07.2019., 30.06.2020., 25.08.2021. 10.08.2022. godine ostaju nepromijenjeni.

Naknadu za upis u Registar u iznosu od 200.00 KM, udruženje je dužno uplatiti na Jedinствени račun Trezora Federacije Bosne i Hercegovine.

Broj 04-05-2-3813/00
13. decembra 2022. godine
Sarajevo

Ministar
Mato Jozić, s. r.
(UGF-154/23)

Federalno ministarstvo pravde, rješavajući po zahtjevu udruženja Lovačko društvo "Koznik" za upis u Registar udruženja, donosi

RJEŠENJE

1. Upisuje se u Registar udruženja u Federaciji Bosne i Hercegovine udruženje pod nazivom: Lovačko društvo "Koznik", skraćeni naziv udruženja. L.D. "Koznik" sa sjedištem u Konjicu, ulica Stara čaršija bb.
2. Upis je izvršen pod registarskim brojem 2062. knjiga IV registra, dana 20. 12. 2022. godine.
3. **Ciljevi udruženja su:**

- razvijanje lova, kao sportsko-rekreativne djelatnosti, u skladu sa moralnim i etičkim principima lovstva, usklađujući ih sa zakonom i lovačkom tradicijom,
- očuvanje prirode, zaštita i uzgoj divljači,
- odstrel divljači, koje rezultira na osnovu viška divljači ostvarenog reprodukcijom ili potrebnog uzgojnog odstrela.

Navedene ciljeve Udruženje je dužno ostvarivati u skladu sa važećim zakonskim propisima.

Djelatnosti udruženja su:

- prati i provodi sve zakonske i podzakonske pozitivnopravne propise iz oblasti lovstva i u vezi s lovno-sportskom aktivnošću,
- vrši planiranje i programiranje razvoja i unapređenja lovstva,
- vrši realizaciju lovno privrede osnove, srednjoročnih i godišnjih planova gazdovanja lovištem,
- stara se o zaštiti rijetke i ugrožene vrste divljači u lovištu i u tom cilju preduzima potrebne mjere i aktivnosti,
- doprinosi i utiče na razvoj i jačanje sportskih odnosa u udruženju, podizanju lovne kulture kroz razvijanje smisla za zaštitu prirode, lovne etike i morala,
- stara se o stručnom osposobljavanju članstva putem seminara, predavanja i stručnih ispita iz pojedinih oblasti lovstva, u skladu sa Zakonom,
- razvija lovno streljaštvo,
- neposredno saraduje sa susjednim i drugim lovačkim udruženjima,
- organizuje zabave i lovačke susrete za članstvo,
- njeguje i razvija jedinstvo i sportsko drugarstvo u udruženju i šire,
- organizuje i sprovodi propagandnu i informativnu aktivnost u lovstvu, zaštiti divljači, prirode i čovjekove okoline,
- poduzima mjere i aktivnosti na omasovljenju članova udruženja,
- stara se o poboljšanju kvaliteta lovne divljači i smanjenju broja štetočina u lovištu,
- organizuje i vrši lovočuvarsku službu, u skladu sa Zakonom,
- prikuplja, registrira i čuva lovačke trofeje, u skladu sa Zakonom,
- organizuje lovačke izložbe i druge lovne manifestacije,
- ustrojava i vodi potrebne evidencije članstva,
- organizuje i razvija kinološku aktivnost u društvu,
- te druge djelatnosti s ciljem realizacije svojih osnovnih ciljeva.